

ხელშეკრულება № 89

სახელმწიფო შესყიდვის შესახებ

ქ. ბათუმი

2023 წლის 18 დეკემბერი

ერთი მხრივ, შპს “სავაჭრო ცენტრი 2009” (მისამართი: ქ. ბათუმი, აღმაშენებლის ქ. 21) წარმოდგენილი დირექტორის ზვიად მელიქაძის სახით (შემდგომში წოდებული „შემსყიდველად“) და მეორე მხრივ შპს „ტექნო“ ს/კ 448399215 წარმოდგენილი დირექტორის ლაშა აბაშიძის სახით (შემდგომში წოდებული „მიმწოდებლად“), ვხელმძღვანელობთ საქართველოს კანონით „სახელმწიფო შესყიდვების შესახებ“ და სახელმწიფო შესყიდვების სააგენტოს თავჯდომარის 2015 წლის 17 აგვისტოს N 13 ბრძანებით დამტკიცებული „გამარტივებული შესყიდვის კრიტერიუმები და გამარტივებული შესყიდვის ჩატარების წესი“ მე-2 მუხლის „ა“ პუნქტით შპს სავაჭრო ცენტრი 2009-ის საჭიროებისათვის ვიდეოსათვალთვალო კამერების თანმდევი მომსახურებით მონტაჟით შესყიდვის მიზნით (CPV351253000) მონეტარული ზღვრის დაცვით გამარტივებული შესყიდვის ფორმით ვდებთ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი;

2. ხელშეკრულების საგანი

- 2.1. ხელშეკრულების საგანს წარმოადგენს ვიდეოსათვალთვალო კამერების თანმდევი მომსახურებით მონტაჟით შესყიდვა ფასების ცხრილის შესაბამისად.
დანართი წარმოადგენს ხელშეკრულების განუყოფელ ნაწილს.

3. ხელშეკრულების მოქმედების ვადები

- 3.1. ხელშეკრულება ძალაში შედის 2023 წლის 18 დეკემბრიდან და მოქმედებს 2024 წლის 31 იანვრის ჩათვლით.
- 3.2. ხელშეკრულებით განსაზღვრული საქონლის და მომსახურების მოწოდების ვადაა ხელშეკრულების გაფორმებიდან არაუგვიანეს 2023 წლის 23 დეკემბრის

4. ხელშეკრულების ჯამური ღირებულება

- 4.1 ხელშეკრულების ჯამური ღირებულება შეადგენს 2524 (ორიათასხუთასოცდაოთხი) ლარს
- 4.2. ხელშეკრულების ღირებულება მოიცავს საქართველოს კანონმდებლობით გათვალისწინებულ ყველა გადასახადს

5. მომსახურების გაწევის ადგილი და წესი

5.1. ხელშეკრულებით გათვალისწინებული საქონლის და მომსახურების მოწოდების ადგილი მდებარეობს მისამართზე: ქ. ბათუმი, აღმაშენებლის ქ. 21 შპს „სავაჭრო ცენტრი 2009“-ის ადმინისტრაცია;

5.2. საქონლის და მომსახურების მოწოდება ხდება ერთჯერადად ამ ხელშეკრულების დადგენილი წესის მიხედვით;

6. მხარეთა ვალდებულებები:

6.1. მიმწოდებელი ვალდებულია მოაწოდოს შემსყიდველს ამ ხელშეკრულების 2.1. პუნქტში მითითებული უნაკლო საქონელი;

6.2. თუკი ხელშეკრულების 2.1 პუნქტით გათვალისწინებული საქონელი არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი;

6.3. მიმწოდებელი უფლებამოსილია მოსთხოვოს შემსყიდველს საქონელის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

6.4. შემსყიდველი ვალდებულია მომწოდებლის მხრიდან საქონლის მოწოდების შემდეგ გადაიხადოს მისი ფასი ამ ხელშეკრულებით გათვალისწინებული პირობებით;

6.5. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

7. ანგარიშსწორების ფორმა და წესი

7.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში;

7.2. ანგარიშსწორება განხორციელდება შემდეგნაირად: უნაღდო ანგარიშსწორებით, მოწოდებული საქონლის შესახებ მიღება ჩაბარების აქტის გაფორმებისა და მომწოდებლის მიერ შესაბამისი დოკუმენტაციის წარმოდგენიდან 10 (ათი) სამუშაო დღის განმავლობაში;

7.3 შესყიდვისას წინასწარი (ავანსი) ფორმის ანგარიშსწორება არ გამოიყენება;

8. ხელშეკრულების ინსპექტირება

8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე;

8.2. ამ მუხლის პირველი პუნქტით გათვალისწინებული კონტროლისა და ზედამხედველობის განხორციელების მიზნით „შემსყიდველის“ მხრიდან ხელშეკრულების ინსპექტირებას განახორციელებენ:

ედვარდ ბალაძე - საზოგადოების შესყიდვების მენეჯერი

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით;

9. შესყიდვის საგნის მიღება-ჩაბარების წესი

9.1 საქონელი ჩაითვლება მოწოდებულად მხარეების მიერ შესაბამისი მიღება-ჩაბარების აქტის ხელმოწერის შემდეგ;

9.2. ხელშეკრულებით გათვალისწინებული საქონლის მოწოდება ჩაითვლება მიღებულად, მას შემდეგ რაც მიმწოდებლის მიერ წარმოდგენილი იქნება შესაბამისი საგადასახადო დოკუმენტაცია და შემსყიდველის მხრიდან არ არის გამოვლენილი ხარვეზი.

10. ხელშეკრულების შეწყვეტა

10.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება მომსახურების ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

10.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებებით ნაკისრი ვალდებულებების შესრულებას;

დ) მიმწოდებლის მიმართ დაიწყო გაკოტრების საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

11. მხარეთა პასუხისმგებლობა

11.1. ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა.

11.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

11.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

12. ფორს-მაჟორი

12.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

12.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

12.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

13. ხელშეკრულებაში ცვლილებების შეტანის და შეწყვეტის წესი

13.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

13.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

13.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

13.5. ხელშეკრულების 13.4 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 სამუშაო დღით ადრე წერილობით აცნობოს ამის შესახებ მეორე მხარეს.

14. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

15. დასკვნითი დებულებები

ხელშეკრულება შედგენილია ორი თანაბარი იურიდიული ძალის მქონე ეგზემპლარად (ერთი რჩება შემსყიდველს, ერთი – მიმწოდებელს).

მხარეთა რეკვიზიტები:

შემსყიდველი:

მიმწოდებელი:

შპს „სავაჭრო ცენტრი 2009“
ქ. ბათუმი, აღმაშენებლის ქ. 21
საიდ. კოდი 245 626 835
ს.ს ტერა ბანკი
საბანკო კოდი TEBAGE 22
ა/ა №GE19 KS 00 0000 03 45 2000 01

შპს „ტექნო“
ქვედა სალიბაური ქუჩა 2 სახლი 7
საიდ. კოდი 448399215
ს.ს საქართველოს ბანკი
ბანკის კოდი BAGAGE 22
ა/ა GE36BG0000000641427600

დირექტორი ზვიად მელიქაძე

დირექტორი ლაშა აბაშიძე

ფასების ცხრილი

დასახელება	ზომი	რ-ბა	ერთეული	ფასი
855IP სათვალთვლო კამერა შიდა გამოყენების 5mp camera	ცალი	6	150.00	900
1500IP სათვალთვლო კამერა გარე გამოყენების 5mp camera	ცალი	3	150.00	450
poe პოე სვიჩი switch 10216	ცალი	1	220.00	220
poe პოე სვიჩი switch 1028	ცალი	1	120	120
CAT 5E FTP (CU) (4X2X26 AWG (0.40)) კაბელი კომპიუტერის	მეტრი	250	2	375
პ.ლ საკაბელო არხი AKISH APS-25X16	ცალი	26	1.5	39
90011 საიზოლაციო ლენტა 10m*2.4mm	ცალი	1	2	2
4.11-6x35-2400 დუბელ ლურსმანი	ცალი	100	0.1	10
3953 20m*30mmElectrical tape white (disposal price) ორმაგი წებვადი ლენტი	ცალი	1	3	3
მომსახურება				405
	ცალი	9	45	
სულ ჯამი				2524

სულ : 2524 (ორიათასხუთასოცდაოთხი) ლარი

შპს „ტექნო“ დირექტორი ლაშა აბაშიძე